



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

34. De miraculis ad sepulchr[um] S. Euphemiae, & oleo in vrna eius
mirifico & αλεξιΦαζμάχψ odoreque ad monumentum eius suauißimo.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

tozem nostrum, pro telis militaribus, his ca-
 thenis armes, munias, custodias, victorijs, tro-
 phæis coronas, hostibus terribilē, & subiectis
 benignum atque optabilem facias: vt pace fru-
 entes sub eius regno simus, & ab eo gubernati,
 tranquillam & quietem vitam ducamus, veri
 Dei nostri gloriam celebrantes, quem tu in
 omni re gloriosè & magnificè celebraſti, quā-
 doquidem conuenit omnis honor & adoratio
 æterno patri, cognato filio, & eiusdem sub-
 ſtantia participi ſpiritui ſancto, nunc & ſem-
 per, & in ſæcula ſæculorum Amen.

*Nicephorus Calliſtus Eccleſ. hiſtor. lib. 15. cap. 3. De
 miraculis ad ſepulchrum S. Euphemie, & oleo in
 vna eius mirifico & ἀλιξιφαρμάκω, odoreque
 ad monumentum eius ſuauiſimo.*

CAP. XXXIIII.

Nicephorus cum lib. 15. cap. 3. magnificen-
 tiam & amœnitatem baſilicæ in hono-
 rem S. Euphemie martyris apud Chalcedonē
 erectæ diligenter expoſuiſſet, mox ſubiungit.
 Cæterum quæ olim ſemper martyr iſtic edi-
 derit miracula, Chriſtianiſ omnibus conſtat.
 Loci namque eius perſæpe Episcopū, in ſom-
 nis ſeſe ei exhibens, aut alium etiam quempi-
 am præclare vitam agentem, obiter templū
 eius ingreſſum, vt miraculorum talium fru-
 ctum perciperent, eſt cohortata. Quod vbi
 in vrbe Conſtantinopolitana innotuit, vni-
 uerſæ eò populi turbæ ſunt profectæ: ipſe etiā
 Impe-

Imperator, & qui sacras Ecclesiarum habenas regunt, quique honores & magistratus alios in repub. gerunt, vt quæ ibi perageretur, vident. Atq; etiam inspectatibus omnibus, Episcopus Constantinopolitanus cum sacerdotibus suis templum id, vbi martyris eius corpus repositum est, vifit. In tumuli læuo latere fenestella quædam admiranda est, operculo, quam maximè obfirmata, per quod ferretamentum longiusculum, cui in extrema parte spongia alligata esset, immittebant, spongiam quæ ipsam in sacrosanctis martyris reliquiis obuolutam, sanguineq; & guttis cruore illius delibutis refertam, extrahebant. Hæc vbi plebs conspexit, homines statim in terram inclinati, vociferatione maxima Deum honorabant, miraculoq; eo stupefacti manus sustolliebant. Tantus autem inde profluxit vbertim humor, vt non solum Imperatores & Episcopi, populusq; qui ibi congregari solitus erat, affatim perfruerentur, verum etiam quocumque quiuis vellet locorum de eo aliquid secum auferret. Neque guttæ tempore ipso defecere, neque diuinus ille sanguis aliqua ex parte mutatus est, sed is semper colorem suum summè rubrum conseruauit. Facta hæc non certo aliquo temporis curriculo, sed pro eo atque Episcopi ipsius vitæ morumque sanctitas ferret. Sic enim fertur, quum is, qui Ecclesiam gubernaret, præclarè viueret,

ret, & virtute exornatus esset, frequentius miraculum, hoc exhibitum fuisse. Quum autem antistes sacrorum talis non esset, rarius eam rem tam admirandam, nec tam facile à martyre processisse. Hoc sic factum esse noui. Cæterum quod neque dies, neque tempus vllum intercipit, sed perpetuo omnibus fidelibus simul & infidelibus affluit & accidit, id nunc dicam. Si quis in sacrarium id, vbi tumulus & sanctæ martyris reliquiæ perinde atque thesaurus nunc repositæ sunt, veniat, odor immensus & naturæ captum odoresque omnes, quos ars humana conficit, supergrediens, ad eum perfertur. Eum siquidem, qui ex prato versicolore colligitur, longè superat: neque alicui eorum similis est, qui ex benevolentissimis rebus profluit. Tum autem neque ei par est, quem vnguentarius odoribus suauibus ad certum modum temperatis miscet: verum multis modis, qui inde redditur præstantior est, vim & potestatem eius à qua redundat, declarans.

Helinandus in historia martyrij S. Gereonis & aliorum Thebeorum martyrum: quæ habetur in tom. Lauren. Surij 10. Octob. De S. Evergisto Episcopo Colonien. qui accedens ad memoriam S. Gereonis, & sociorum eius, dolore captus liberatus est.

CAP. XXXV.

Sanctus Maternus Treuironum Episcopus Agrippinæ Colonie Ecclesiam primus pastor